



KUVENDI KOMUNAL PRISHTINE \* MUNICIPALIT ASSEMBLY PRISHTINA \* SKUPSTINA OPSTINA PRISTINA

Në bazë të nenit 43,45,46,49 dhe 52 të Ligjit mbi tokën ndërtimore (“Gazeta zyrtare e Kosovës” 14/80 dhe 42/86), të nenit 4 të Rregullores mbi vetëqeverisjen e komunave të Kosovës, nr. 2000/45, të dt. 11 gusht 2000, të nenit 2 të Rregullores mbi ndërtimet në Kosovë, nr. 2000/53, të dt. 25 shtator 2000, të nenit 66 të Rregullores mbi rregullat dhe procedurat për ndërtimin e objekteve investive, nr.01-010-3, të dt. 03.01.2002 dhe të nenit 19 të Statutit të Komunës së Prishtinës, Kuvendi i Komunës së Prishtinës, në mbledhjen e mbajtur më 22.11.2005, merr

**V E N D I M**  
**PËR NDRYSHIMIN DHE PLOTËSIMIN E VENDIMIT PËR TARIFA DHE**  
**NGARKESA KOMUNALE, NR. 01-413-523/1 DT. 02.07.2004-PJESA PËR**  
**KOMPENSIMIN E RREGULLIMIT TË TOKËS NDËRTIMORE**

**Neni 1**

Miratohet Vendimi për ndryshimin dhe plotësimin e Vendimit për tarifa dhe ngarkesa komunale, nr. 01-413-523/1, dt. 02.07.2004 - pjesa për kompensimin e rregullimit të tokës ndërtimore.

**Neni 2**

Neni 7 i Vendimit të Kuvendit të Komunës, nr. 01-413-523/1, të dt. 02.07.2004, ndryshohet dhe bëhet:

**“Varësisht nga lloji dhe destinimi i objektit investiv, lartësia e kompensimit për rregullimin e tokës ndërtimore paguhet:**

- për ndërtimin e objektit investiv, të destinuar për shtëpi individuale (deri në 450m<sup>2</sup>) .....11 € m<sup>3</sup>,
- për ndërtimin e objektit investiv të tërësisë së përbashkët (kolektive).....15 €m<sup>3</sup>,
- për ndërtimin e objektit investiv, me destinim për afarizëm.....22,5 € m<sup>3</sup>,
- për ndërtimin e objektit investiv, me destinim për arsim, shëndetësi, sport, kulturë e të ngjashme, me destinim fitimprurës.....11 € m<sup>3</sup>,
- për ndërtimin e objektit investiv, me përmasa të lartësisë mbi 3,5m (të gjitha llojet e sallave prodhuese, sallave për sport, kulturë, rekreacion).....11 € m<sup>2</sup>,
- për ndërtimin e objektit industrial, prodhuese, bujqësor e të ngjashëm.....10 € m<sup>2</sup>

Për ndërrimin e destinimit të përdorimit të hapësirave, nga ai ekzistues në destinim për afarizëm .....20 € m<sup>3</sup>.

Lartësia e kompensimit për llojin përkatës të objektit, e paraparë sipas kësaj dispozite, do të zvogëlohet për 50%, nëse lartësia e objektit nuk është e kufizuar (objekt i hapur).

### **Neni 3**

Neni 10, fshihet.

### **Neni 4**

Në nenin 15 , paragrafi 1, pika 1, fjala “**nuk**”, fshihet.

### **Neni 5**

Ky Vendim hyn në fuqi ditën e miratimit.

**KUVENDI I KOMUNËS SË PRISHTINËS**  
**01.Nr.413-575, më 22.11.2005**

**KRYETARI I KOMUNËS**  
**Ismet Beqiri**